



Эсэгэ ороноо, экэ нютагаа эб хамта мандуулая!

БУРЯАД

Бүгэдэ арадай сонин

ҮНЭН

1921 оной декабрийн 21-нээ гарана

2005
оной
декабрийн
7
Среда

№ 143
(21229)

Үбэлэй
дунда
шара
хулгана
нарын
6
гарагай
4



Засагай
дээдын
зургаануудта

ТУСХАЙ
ДУГААР



БУРЯАДАЙ ПРАВИТЕЛЬСТВО: ҮДЭР ҮДЭРЭЙ АЖАЛ ХЭРЭГҮҮД

2005 оной ноябрийн 28 - декабрийн 3

Буряад Республикын Президент - Правительствын Түрүүлэгшэ А.В.Потапов ноябрийн 28-да Правительствын гэшүүдтэй, гүйсэдхэхы засагай зургаануудай болон захиргаанайнгаа байгуулгын халбаринуудай хүтэлбэрилэгшэдтэй заншала ёһоороо түсэблэлгын зүблөө эмхидхээ. Зүблөөн дээрэ ийм асуудалнуудаар шийдхэбэринууд абтаа гэбэл: Бүгэдэ буряадуудай Соёл хүгжөөлгын эблэлэй зүблөө бэлэдхэн үнгэргэлгэ болон 2006-2007 онуудта «Элүүр» гэхэн үндэһэн проект бэлүүлгын талаар хэмжээ ябуулгануудай республиканска түсэбэй түлэб дээрэ хүдэлмэрилгэ; «Зүүн Сибирь - Номгон далай» гэхэн нефтийн сорго барилгын асуудалнуудыг шийдхэхын тула хүдэлмэрийн бүлэг тогтоолго болон нютагай авто-харгыннуудыг муниципальна байгуулгануудай мэдэлдэ дамжуулан үлгэ; хуули буса ябадалнуудай талаар шэнжэлхы материалнуудыг (2005 оной дүнгүүдээр) РБ-гэй МБД-гэй үргэдхэмэл зүблөөндэ бэлдэлгэ болон «Буряадай агропромышленна комплексые хүгжөөлгэ» гэхэн түрүү шухала үндэһэн проект тухай» республиканска зүблөөндэ бэлдэлгэ; 2006 ондо Буряад Республикада бага ГРЭС-үүдыг барилгын талаар бюджеттэ захил бэлдэлгэ болон экономика хуули буса ябадалнуудтай тэмсэлгэдэ хуули хамгаалгын зургаануудай хүдэлмэрийн ашаг үрэ дээшлүүлгэ; нүүрхэнэй «Улаан-Овоо» хэбтэшыг ашаглалга болон республика дотор агролизинг хүгжөөлгын талаар нэмэлтэ хэмжээ ябуулгануудыг зохёон бэлдэлгэ; Буряадай Правительствын 2006 оной программа дансануудыг бэлдхэлгэ болон 2005 оной арбан нарын туршада республикын социально-экономическа хүгжэлтын дүнгүүд; Буряадай ажа-нуутшадые олзын хэмжээгээр илгэха талаар байдалай муудалан ушар шэнжэлхэ хэрэгтэй байла болон Улаан-Үдэ хотодо харгыннуудыг ашаглалга, заһабарилга; Улаан-Үдэ аэропортын комплекс хүгжөөлгэ болон экологическа шэглэлтэй түлэбүүдыг дэмжэлгэ; Байгалай байгаагийн талмай тогтонжонг хүгжэлтын талаар ООН-ой программа болон ООН-ой эмхийн зүбшэлгын зүблөөнэй дүнгүүд; гүрэнэй үндэһэтэнэй «Байгал» театрта, Хуули шийдхэлгын академидэ байра үгэхэ хэрэгтэй байла болон дэлгүүрэй эрхэ байдалда хүдэлмэрилхын тула РБ-гэй Хүдөө ажахын болон эдэ хоолой министрствын шэнэ байгуулга бэлдхэлгэ.

Энэл үдэр республикын толгойлогшо 2006 ондо харгын ажахы номоллогын талаар хүдэлмэрийн зүблөө үнгэргөөд, республикын баригдажа байһан объектуудыг ошохо хараа, удаань Эд хэрэглэлгын дэлгүүр дээрэ мүнгэнэй үнэгүй бололгыг тогтоохо талаар Буряад Республикын Президентын дэргэдэхи комиссийн зүблөө үнгэргөө.

Ноябрийн 29-дэ Леонид Потапов республикын террорис актуудта эсэргүүсэлгын комиссийн болон хамтаруулагдамал бюджетэй олзо оршын хуби дээшлүүлгын, налог татабарийн бааза хүгжөөлгын, томо эмхинүүдэй экономика ашаг үрэ дээшлүүлгын талаар РБ-гэй Президентын дэргэдэхи комиссийн зүблөөнүүдыг хүтэлбэрилхэн байна.

Ноябрийн 30-да А.В.Потапов Москва хото албан хэрэгээрээ ошохо, гүйсэдхэхы засагай федеральна зургаануудта хүдэлмэрилхөө гадна Социальна эрдэмүүдэй Россин академийн Буряадай филиалай президентын зэргэдэ РАСН-ын ээлжээтэ сессидэ хабаадаа. Эндэ Леонид Потапов «РАСН-ын Буряадай филиалай социальна проектнуудыг бэлүүлгын талаар хараа боломжонууд тухай» элидхэл хээ.

Декабрийн 2-то РБ-гэй Президент - Правительствын Түрүүлэгшэ Леонид Потапов Арадай Хуралай ээлжээтэ бэшэ сессийн хүдэлмэридэ хабаадаа, орлогшонортоо зүблөө үнгэргөө.

Декабрийн 3-да А.В.Потапов Буряадай гүрэнэй телерадиокомпанийн сэхэ дамжуулгада нэгэ часай туршада телевизор харагшадый болон радио шагналшадый асуудалнуудта харюусан байна.

Правительствын Түрүүлэгшын Нэгдэхэ орлогшо Иннокентий Матвеевич Егоров үнгэргэшэ долоон хоногто залан хүтэлбэрилдэг министрствэнүүд болон албан зургаануудайнгаа хүтэлбэрилэгшэдтэй түсэблэлгын зүблөө эмхидхээ, эрхэтэдыг хубийн асуудалнуудаар хүлээн абаа, социальна халбарийн объектуудай котельнүүдыг болон дулаа хэрэглэдэг тодохолонуудай тоо бүридхэлгэ үнгэргэхэ талаар хүдэлмэрийн бүлэгтэй зүблөө хүтэлбэрилөө, Мухар-Шэбэрэй аймагаар албан хэрэгээрээ ябажа эрээ. Декабрийн 1-нээ 3 болотор И.М.Егоров Красноярск хото командировкодо ошохо, ГО болон ЧС-эй Сибирийн региональна түбэй 2005 ондо граждн оборонын, онсо аюулта ушаралнуудыг нэргүүлэлгын болон усадхалгын хэмжээ ябуулгануудыг бэлүүлхэ болон 2006 оной зорилгонуудыг хараалха талаар түгэсхэлэй зүблөөндэ хабаадаһан байна.

Буряад Республикын Правительствын Түрүүлэгшын орлогшо - РБ-гэй Президентын дэргэдэхи РБ-гэй Бүрин этигэмжэтэ түлөөлэлгын толгойлогшо Баир Гвиболович Бальжиров болон түлөөлэлгын мэргэжэлтэд Президентын Захиргаанда, Россин Федерацийн министрствэнүүд болон албан зургаануудта хүдэлмэрилхөө гэбэл: «Мухар-Талын перлидүүдэй хэбтэшыг комплексно болбосоруулгын» проект бэлүүлгын программын, Холоднинскын болон Озерный хэбтэшнүүдыг ашаглалгын талаар инвестиционно проектүүдэй талаар; инвалидуудыг болон дайнда хабаадагшадые автотранспортоор хангаха, Баргажанай аймагай больницые заһабарилгын хүдэлмэринүүдыг номолхо талаар. Тиыхэдэ Байгалай регионой аяншалгын-рекреационно комплекс хүгжөөлгын талаар хүдэлмэрийн бүлэгтэй зүблөөндэ хабаадаа.

Правительствын Түрүүлэгшын орлогшо - промышленностийн, үйлдбэрийн инфраструктурын болон технологиуудай министр Владимир Васильевич Перелёв болон министрствын мэргэжэлтэд РБ-гэй Правительствын Түрүүлэгшэ М.Е.Фрадково даалбаринуудыг бэлүүлгэ дээрэ хүдэлмэрилөө, «Буряадай ой модоной компани» ОАО-до инвестиционно нөөснүүдыг хабаадуулгын түлбөөр ажал ябуулаа, Витим мурэн дээгүүр хүүргэ, «Зүүн Сибирь - Номгон далай» нефтийн сорго

барилгын талаар Тюменин «Нефтегазпроект» институтта мэдээсэл бэлдээ, РБ-гэй Промышленнуудай, олзын хэрэг эрхилэгшэдэй холбооной болон РБ-гэй Профсоюзнуудай соведэй хоорондох тарифна хэлсээнэй түлэбтэ салин түлбэрийн эгээл бага хэмжээнэй талаар тобшолол бэлдээ.

Социальна халбарие хүгжөөлгын талаар Буряад Республикын Правительствын Түрүүлэгшын орлогшо Степан Гаврилович Ефимов үнгэргэшэ долоон хоногто залан хүтэлбэрилдэг министрствэнүүд болон албан зургаануудайнгаа хүтэлбэрилэгшэдтэй түсэблэлгын зүблөө эмхидхээ, республиканска перинатальна түбтэ Наталья Бурцева Эхын үдэртэ басагатай болоһон ушараарнь амаршалаад, Буряадай Президентын болон Правительствын зүгһөө тэрээндэ үнэтэ бэлэгүүдыг барюулаа. Гадна 29-дэхэ Армийн командлагша генерал-майор И.Ф.Грицковтой 2006 ондо үбэлэй хүдөөгэй спортын наадануудыг эмхидхэн үнгэргэлгэдэ хабаатай асуудалнуудыг хэлсэхэ зорилготойгоор уулзаһан байна. Тиыхэдэ Соёлой болон олоодо мэдээсэлгын министрствын болон Физическэ культура, спортын талаар республиканска агентствын хүтэлбэрилэгшэдтэй бюджетэй номоллогонуудта зорюулагдаһан зүблөө үнгэргөө, СССР-эй арадай артист Г.Цыдынжаповай 100 жэлэй ойдо зорюулагдаһан баяр ёһололой хэмжээ ябуулгануудта хабаадаа. Мүн Степан Гаврилович РБ-гэй социальна эрдэмүүдэй Россин академийн сессидэ хабаадажа, Буряад Республикада социальна хүгжэлтыг, ажаһуутшадый медицинскэ хангалгыг, элүүрыг хамгаалгын байгуулагыг, физическэ культура болон спорт хүгжөөлгыг хайжаруулгын замууд тухай элидхэл хээ.

Хуули ёһоной асуудалнуудай, хамгаалгын болон захиргаанай зургаануудтай харилсаа холбоонуудай талаар РБ-гэй Правительствын Түрүүлэгшын орлогшо Олег Валентинович Кышкетуевай залан хүтэлбэрилдэг албан зургаанууд Москвада эмхидхэгдэхэн «Сэрэгэй алба хаагшадта болон сэрэгтэй албанһаа табигдаһан эрхэтэдтэ 2004-2010 онуудта гүрэнэй гэр байрын сертификадууд» подпрограмма бэлүүлгэ» гэхэн Бүхэроссин конференцидэ, тиыхэдэ хамтаруулагдаһан бюджетэй олзо оршын хуби дээшлүүлгын, налог татабарийн бааза хүгжөөлгын, томо предприятинуудай ажал ябуулгын ашаг үрэ дээшлүүлгын талаар РБ-гэй Президентын дэргэдэхи комиссийн зүблөөндэ хабаадаһан байна. Республикын террорис актуудта эсэргүүсэлгын комиссийн зүблөөн бэлдхэгдэн үнгэргэгдөө. РБ-гэй Федеральна бүридхэлдэ абалгын албанай РБ-дэхэ управлениетэй суг хамта «РБ-гэй дэбисхэрэй хэмжээндэ нотариальна тойрогуудай хилэнүүдыг, нотариусуудай тоо элэрүүлхэ тухай» хуулийн түлэб бэлдхэхэ хүдэлмэри үргэлжлүүлэгдэхээр. Тиыхэдэ Хуули хамгаалгын зургаануудтай болон сэрэгтэй управлениин зургаануудтай харилсаа холбоонуудай управлениин хүдэлмэрилэгшэд ВСГТУ-гай юридическэ факультэдэ презентацида зорюулагдаһан хэмжээ ябуулгануудта хабаадаа, «Харгын аюулгүйн байдал болон харгын аюулгүй

байдалай талаар гүрэнэй хүтэлэлгэ болбосоруулгын хэмжээнүүд тухай» РФ-гэй Гүрэнэй соведэй Президиумэй зууршалгануудыг бэлүүлгын талаар хэмжээ ябуулгануудыг бэлдхээ.

Агропромышленна комплексые хүгжөөлгын талаар Правительствын Түрүүлэгшын орлогшо Леонид Дашеевич Турбянов үнгэргэшэ долоон хоногто үнгэргөө гэбэл: Буряадай мори уналгын спортын федерацийн зүблөө, ой модо хуули бусаар бэлдэлгэ нэргүүлэлгын болон тэмсэлгын талаар албан хоорондын комисси эмхидхэхэ талаар хоёр зүблөө, республикын Правительствын дэргэдэхи заһаанай ажахын зүблээ. Хүдөө ажахын министрствын түлөөлэгшэд Новосибирск хотодо Сибирийн федеральна тойрогой Зохицуулгын соведэй хүдэлмэридэ, тиыхэдэ Орооһоной холбооной эмхидхэн байгуулгын конференцидэ хабаадаа, Буряадай аймагуудта хүдөө ажахын предприятинуудай хүдэлмэри хайжаруулгын талаар зүблөөнүүдыг үнгэргөө, «Һайн хилээмэн - бултанай зорилго. Технологиһоо экономика руу зам» гэхэн ниитэ республикын конференци болон «Агропромышленна комплексые хүгжөөлгэ» гэхэн түрүү шухала үндэһэн проект тухай» зүблөө бэлдээ.

РБ-гэй Правительствын Түрүүлэгшын орлогшо - барилгын, архитектурын болон гэр байрын коммунальна ажахын министр Николай Иннокентьевич Быков болон министрствын мэргэжэлтэд үнгэргэшэ долоон хоногто үнэгүй гэр байрын дэлгүүр тогтоохо талаар министрствын хэмжээнүүдэй түсэб бэлдээ, 2006 ондо хуули бэшэлгын болон хуули түлэблэлгын хүдэлмэри түсэблөө, «2006 ондо гэр байрын болон коммунальна хангалгануудай түлөө түлбэрийн республиканска стандартнууд тухай» правительствын тогтоол дээрэ хүдэлмэрилөө, «Муяын аймагай Тоннельный тосконһоо эрхэтэдыг зөөлгэлгэ тухай» РБ-гэй Правительствын захирамжа бэлүүлгын хойноһоо хинаа.

Буряад Республикын Президентын болон Правительствын Захиргаанай хүтэлбэрилэгшэ - министр Иннокентий Бадревич Дагбаев болон тэрэнэй хүтэлбэрилдэг управленинууд, комитетууд, албанууд болон таһагууд Буряад Республикын Правительствын 2005 оной Хэмжээнүүдэй программа бэлүүлхэ талаар министрствэнүүд болон албан зургаануудай хэмжээ ябуулгануудыг бэлүүлгын хойноһоо шалгаа, бэлүүлгэдээгүй хэмжээ ябуулганууд тухай мэдээсэл бэлдхээ, республикын Правительствын дэргэдэхи противоэпизоотическа комиссийн хүдэлмэри, гадна Буряадай гүрэнэй оперо болон бэлдэй театр һэлбэн шэнэдхэлгэдэ шэглүүлгэдэхэн мүнгэн зөөри ашаглалгыг шалгаа. Физическэ культура болон спортын талаар агентствын хүтэлбэрилэгшын орлогшо Д.Г.Петренко болон хүдөө ажахын болон эдэ хоолой министрэй орлогшо И.Р.Малакшиновагай хабаадалгатайгаар правительствена брифинг үнгэргэгдэхэн, Буряадай Президент А.В.Потаповай хабаадалгатайгаар БГТРК-гай «сэхэ дамжуулга» үнгэргэлгэдэ бэлдхэлэй ажал ябуулагдаһан байна.

Буряад Республикын Правительствын мэдээсэлэй таһаг.

БУРЯАД РЕСПУБЛИКЫН АРАДАЙ ХУРАЛАЙ ХҮДЭЛМЭРИЙН ТҮСЭБ

2005 оной декабриин 5 - 9

I. АРАДАЙ ХУРАЛАЙ КОМИТЕДУУДЭЙ ЗҮБЛӨӨНҮҮД

Бюджетэй, налогуудай, сан жасын болон банкнуудай талаар Арадай Хуралай комитет (түрүүлэгшэнь Ц.Э.Доржиев)

1. «Буряад Республикада муниципальна байгуулануудые тогтоолго, зэргэ олголго, хилэнүүдые тогтоолго» Буряад Республикын Хуулида хубилалтануудые оруулха тухай» Буряад Республикын хуулийн түлэб тухай

2. «Россин Федерациин налог болон суглуулбаринууд тухай хууляр Россин Федерациин субъектнүүдэй мэдэлдэ дамжуулагдахан Буряад Республикада налогово гуримшуулгын зарим асуудалнууд тухай» Буряад Республикын Хуулида хубилалтануудые оруулха тухай» Буряад Республикын хуулийн түлэб тухай

3. «Буряад Республикын гүрэнэй эрхэтэнэй албанай тушаалнуудай реестр тухай» Буряад Республикын хуулийн түлэб тухай

4. «Хуулийн наһа гүйсөөгүйшүүлэй хэрэгүүдэй болон Буряад Республикада тэдэнэй эрхэнүүдые хамгаалгын талаар комиссинууд тухай» Буряад Республикын хуулийн түлэб тухай

5. «Уялгата медицинскэ страхованиин Буряадай территориальна жасын 2005 оной бюджет тухай» 2004 оной декабриин 27-ой 981-III дугаарай Буряад Республикын Хуулида хубилалтануудые оруулха тухай» Буряад Республикын хуулийн түлэб тухай

6. «Баргажанай аймаг», «Загарайн аймаг», «Хурамхаанай аймаг» болон «Хориин аймаг» муниципальна байгуулануудта түлбэриггүйгөөр дамжуулагдажа байһан Буряад Республикын гүрэнэй зөөрийн тоолбори тухай» Буряад Республикын Арадай Хуралай тогтоолой түлэб тухай

7. «Россин Федерациин, Федеральна Суглаанай Гүрэнэй Дүүмын Түрүүлэгшэ В.Б.Грызловто, Россин Федерациин Правительствын Түрүүлэгшэ М.Е. Фрадковто холын болон үсөөн ажаһуугшадтай нютагуудта гүрэнэй нотариат зандань үлээхэ талаар хэмжээнүүдые абаха хэрэгтэй байһан тухай Шэтын областной Дүүмын хандалга тухай» Буряад Республикын Арадай Хуралай тогтоолой түлэб тухай

8. «Россин Федерациин эблэрүүлэлгын судьянар тухай» Федеральна Хуулийн 4-дэхи статьягай 4-дэхи пунктда хубилалтануудые оруулха тухай» 222076-4 дугаарай Федеральна хуулиие түлэбтэнь бусааха тухай» Буряад Республикын Арадай Хуралай тогтоолой түлэб тухай (сүүдэй участогууд дээрэ тоо бүридхэлгын эрилтэнүүдые хубилгаха тухай)

9. «Хүдэлсэгүй зөөридэ эрхэнүүдые болон тэдэн тушаа худалдаа наймаанай хэлсэнүүдые гүрэнэй бүридхэлдэ абаха тухай» 1997 оной июлийн 21-эй 122-ФЗ дугаарай Федеральна Хуулийн 16, 18, 25.1, 26, 27, 29-дэхи статьянуудта нэмэлтэ болон хубилалтануудые оруулха тухай» 223240-4 дугаарай федеральна хуулиие түлэбтэнь бусааха тухай» Буряад Республикын Арадай Хуралай тогтоолой түлэб тухай

10. «Россин Федерациин Уголовно-Хэрэг эрхилэлгын Кодексын 217-дохи статьяда хубилалтануудые оруулха тухай» 210703-4 дугаарай федеральна хуулиие түлэбтэнь бусааха тухай» Буряад Республикын Арадай Хуралай тогтоолой түлэб тухай

11. «Түлбэриггүйгөөр Буряад Республикын гүрэнэй зөөридэ дамжуулагдажа байһан «Захааминай аймаг» муниципальна байгуулгын зөөрийн объектнүүдэй тоолбори тухай» Буряад Республикын Арадай Хуралай тогтоолой түлэб тухай

12. «Акционернэ бүлгэмүүд тухай» болон «Хизаарлагдамал харюусалгатай бүлгэмүүд тухай» федеральна хуулинуудта хубилалтануудые оруулха тухай» федеральна хуулийн түлэбтэнь Россин Федерациин Федеральна Суглаанай Гүрэнэй Дүүмэдэ оруулха тухай Ярославска областин Гүрэнэй Дүүмын хуули гаргалгын үүсхэл тухай» Буряад Республикын Арадай Хуралай тогтоолой түлэб тухай

13. «Республикын 2006 оной бюджет тухай» Буряад Республикын хуулийн түлэб тухай 7.12.10.00 Бага танхим

II. ХҮДЭЛМЭРИЙН ЗҮБЛӨӨНҮҮД БУРЯАД РЕСПУБЛИКЫН АРАДАЙ ХУРАЛАЙ КОМИТЕДУУДЭЙ

Гүрэнэй байгуулалтын, нютагай өөһэдын хүтэлбэрийн болон хуули сахилгын талаар Арадай Хуралай комитет

(түрүүлэгшэнь А.Н.Маслов)

«Буряад Республикын Арадай Хуралай депутатуудай хунгалтанууд тухай» Буряад Республикын Хуулида хубилалтануудые оруулха тухай» Буряад Республикын хуулийн түлэбтэ заһабаринуудай таблица тухай 7.12.10.00 каб.323

1. «Буряад Республикада муниципальна байгуулгын толгойлогшын хунгалта тухай» Буряад Республикын Хуулида хубилалтануудые оруулха тухай» Буряад Республикын хуулийн түлэбтэ заһабаринуудай таблица тухай

2. «Буряад Республикада нютагай өөһэдын хүтэлбэрийн түлөөлэлгэтэ зургаанай депутатуудай хунгалта тухай» Буряад Республикын Хуулида хубилалтануудые оруулха тухай» Буряад Республикын хуулийн түлэбтэ заһабаринуудай таблица тухай

3. «Буряад Республикада нютагай референдум тухай» Буряад Республикын Хуулида хубилалтануудые оруулха тухай» Буряад Республикын хуулийн түлэбтэ заһабаринуудай таблица тухай

4. «Буряад Республикын референдум тухай» Буряад Республикын хуулийн түлэбтэ заһабаринуудай таблица тухай 8.12.10.00 каб.323

Газарай асуудалнуудай, аграрна политикын болон эд хэрэглэлгын дэлгүүрэй талаар Арадай Хуралай комитет (түрүүлэгшэнь В.А.Павлов)

1. «Буряад Республикада архийн продукциин жэжэ наймаанда лицензи үгэхэ тухай» Буряад Республикын хуулийн түлэб тухай 6.12

2. «Буряад Республикада муниципальна байгуулануудай нютагай өөһэдын хүтэлбэрийн зургаануудые архийн продукциин жэжэ наймаанда лицензи үгэлгэ бэлдүүлхэ талаар гүрэнэй бүрин этигэмжэнүүдые олгохо тухай» 7.12.10.00 каб.119

«Гүрэнэй гү, али муниципальна мэдэлдэ байһан газарай участогуудые түлбэриггүйгөөр үмсэдэ үгэхэ тухай» Буряад Республикын Хуулида хубилалтануудые оруулха тухай» Буряад Республикын хуулийн түлэб тухай 7.12.14.00 каб.119

Уласхоорондын болон регионуудай холбооной, яһатануудай асуудалнуудай, ниитын эмхинүүдэй болон шажан мүргэлэй нэгдэлнүүдэй хэрэгүүдэй талаар Арадай Хуралай комитет (түрүүлэгшэнь А.С.Ковалев)

«Соёл тухай» Буряад Республикын Хуулида хубилалтануудые оруулха тухай» Буряад Республикын хуулийн түлэб тухай 6.12.14.00 каб.212

Социальна политикын талаар Арадай Хуралай комитет (түрүүлэгшэнь С.Г.Мезенин)

«Уялгата медицинскэ страхованиин Буряадай территориальна жасын 2006 оной бюджет тухай» Буряад Республикын хуулийн түлэб тухай 8.12.15.00 каб.218

Экономическа политикын, байгааалин нөөсөнүүдые ашагалгын болон оршон тойронхине хамгаалгын талаар Арадай Хуралай комитет

(түрүүлэгшэнь В.Г.Ирильдеев)
«Буряад Республикын тусхай харууһатай байгааалин талмайнууд тухай» Буряад Республикын хуулийн түлэб тухай 6.12.10.00 каб.206

III. РЕСПУБЛИКАНСКА ХЭМЖЭЭ ЯБУУЛГАНУУД

Уласхоорондын болон региональна холбоонуудай, яһатануудай асуудалнуудай, ниитын эмхинүүдэй болон шажан мүргэлэй нэгдэлнүүдэй хэрэгүүдэй талаар Арадай Хуралай депутатуудай «Буряад Республикада яһатан хоорондын харилсаанууд: шийдхэгдээгүй асуудалнууд болон хайжаруулгын арга боломжонууд» 8.12.14.00 РБ-гэй Үндэһэтэнэй номой сан

IV. ЭРХЭТЭДЫЕ ХҮЛЭЭН АБАЛГА

С.Г.Мезенин - Социальна политикын талаар Арадай Хуралай комитедэй түрүүлэгшэ 6.12.14.00-17.00 каб.218

Ф.П.Ботоева - Буряад Республикын Арадай Хуралай Түрүүлэгшын орлогшо 8.12.14.00-17.00 каб.233

V. КОМАНДИРОВКОНУУД

В.А.Павлов - Бэшүүрэй аймаг, Буряад Республикын Президент Л.В.Потаповай хүдэлмэрийн ябалгада хабаадалга 7-9.12

А.Г.Лубсанов - Москва хото, Россин Федерациин Федеральна Суглаанай Гүрэнэй Дүүмын Түрүүлэгшын болон Гүрэнэй Дүүмын Комитедүүдэй түрүүлэгшэнэрэй Россин Федерациин субъектнүүдэй гүрэнэй засагай хуули гаргалгын (түлөөлэлгэтэ) зургаануудай хүтэлбэрилэгшэдтэй «Хуули бэлдэхэлгын ажал ябуулгын амин шухала асуудалнууд» гэхэн хүдэлмэрийн уулзалгада хабаадалга 7-10.12

З.Ц.Намсараев - Гусиноозерск хото, хунгуулийн тойрогто хүдэлмэрилгэ 8-9.12

И.И.Калашников - Тарбагатайн аймаг, хунгуулийн тойрогто хүдэлмэрилгэ 9.12

БУРЯАД РЕСПУБЛИКЫН ПРЕЗИДЕНТЫН ЗАРЛИГУУД

БУРЯАД РЕСПУБЛИКЫН ПРЕЗИДЕНТЫН 2002 ОНОЙ АВГУСТЫН 8-АЙ 154 ДУГААРАЙ, 2002 ОНОЙ ОКТЯБРИЙН 29-ЭЙ 251 ДУГААРАЙ, 2004 ОНОЙ ДЕКАБРИЙН 31-ЭЙ 578 ДУГААРАЙ ЗАРЛИГУУДАТ ХУБИЛАЛТАНУУДЫЕ ОРУУЛХА ТУХАЙ

«Буряад Республикын Президент тухай» Буряад Республикын Хуулийн 9-дэхи статьягай 9-дэхи пункттай зохилдуулан тогтооноб:

1. Буряад Республикын Президентын «Буряад Республикын Монголтой болон АТР-эй гүрэнүүдтэй харилсаа холбоонуудые болбосоруулха талаар хэмжээнүүд тухай» 2002 оной августын 8-ай 154 дугаарай Зарлигай 2-дохи пунктда «Монголдо Россин Федерациин Буряад Республикын Бүрин эрхэтэ түлөөлэгшын» гэхэн үгэнүүдые «Монголдо Буряад Республикын Саг үргэлжын түлөөлэлгын хүтэлбэрилэгшэ» гэхэн үгэнүүдээр нэлгэн, хубилалтануудые оруулха.

2. «Буряад Республикын Президентын 2002 оной августын 8-ай 154 дугаарай Зарлигта хубилалтануудые оруулха тухай» Буряад Республикын Президентын 2002 оной октябрийн 29-эй 251 дугаарай Зарлигта баримтата хубидань болон тогтоохон хубиинь хоёрдохи абзацта «Монголдо Россин Федерациин Буряад Республикын Бүрин эрхэтэ түлөөлэгшын» гэхэн үгэнүүдые «Монголдо Буряад Республикын Саг үргэлжын түлөөлэлгын хүтэлбэрилэгшэ» гэхэн үгэнүүдээр нэлгэн, хубилалтануудые оруулха.

3. Буряад Республикын Президентын «Н.И.Атанов тухай» 2004 оной декабриин 31-эй 578 дугаарай Зарлигта хубилалтануудые оруулхадаа, тогтоохон хубиинь иигэжэ найруулха:

«Монголдо Буряад Республикын Саг үргэлжын түлөөлэлгын хүтэлбэрилэгшэ Атанов Николай Ивановичай Буряад Республикын гүрэнэй эрхэтэнэй алба бэлүүлгын болзорые 2005 оной январин 1-нээ 2006 оной январин 1 болотор лунааха».

4. Буряад Республикын Президентын болон Правительствын Захиргаанай хүтэлбэрилэгшэ И.Б.Дагбаевта хүдэлмэрийн книжкэдэ болон Буряад Республикын гүрэнэй эрхэтэнэй алба бэлүүлэгшын хубиин хэрэгтэ оруулагдаха ёһотой бусад дансануудта зохистой хубилалтануудые оруулха.

5. Тус Зарлиг баталагдаһан үдэрһөө хүсэндөө ороно.

Буряад Республикын Президент А.В.ПОТАПОВ

Улаан-Үдэ хото, Правительствын байшан 2005 оной ноябрийн 30 №595

Н.И.АТАНОВАЙ БУРЯАД РЕСПУБЛИКЫН ГҮРЭНЭЙ ЭРХЭТЭНЭЙ АЛБА БЭЛҮҮЛГЫН БОЛЗОР ЛУНААХА ТУХАЙ

«Россин Федерациин гүрэнэй эрхэтэнэй албан тухай» 2004 оной июлийн 27-ой 79-ФЗ дугаарай Федеральна хуулийн 25-дахи статьягай 5-дахи пункттай зохилдуулан тогтооноб:

1. Монголдо Буряад Республикын Саг үргэлжын түлөөлэлгын хүтэлбэрилэгшэ Атанов Николай Ивановичай Буряад Республикын гүрэнэй эрхэтэнэй алба бэлүүлгын болзорые Буряад Республикын Президентын бүрин этигэмжэнүүдэй болзорто лунааха.

2. Буряад Республикын Президентын болон Правительствын Захиргаанай хүтэлбэрилэгшэ И.Б.Дагбаевта Н.И.Атановтай Буряад Республикын Президентын бүрин этигэмжэнүүдэй болзорто албанай хэлсээ баталха.

Буряад Республикын Президент А.В.ПОТАПОВ

Улаан-Үдэ хото, Правительствын байшан 2005 оной ноябрийн 30 №596.

БУРЯАД РЕСПУБЛИКЫН ПРАВИТЕЛЬСТВЫН ТОГТООЛ

2005 оной ноябриин 22

№562

Буряад Республикын Кабанскын аймагай «Энхэлэгэй» региональна удха шанартай гүрэнэй байгаагийн биологическа заказнигай ажал ябуулгын болзор нунаах тухай

«Тусхай харууһатай байгаагийн талмайнууд тухай» федеральна хуулийн 23-дахи, 24-дэхи статьянуудтай зохиладуулан, Буряад Республикын Кабанскын аймагай «Энхэлэгэй» региональна удха шанартай гүрэнэй байгаагийн биологическа заказнигай ажал ябуулгын болзорой түгэсэһэн ушарһаа Буряад Республикын Пра-

вительство тогтооно:

1. Буряад Республикын Кабанск аймагай «Энхэлэгэй» региональна удха шанартай гүрэнэй байгаагийн биологическа заказнигай 17728 га талмайень тэрэл зандань үлээн, ажал ябуулгын болзор нунаах.

2. Заказнигай хилэнүүдые 1-дэхи хабсаргалтатай зохиладуулан тогтоохо.

3. Буряад Республикын Кабанскын аймагай «Энхэлэгэй» региональна удха шанартай гүрэнэй байгаагийн биологическа заказник тухай дүрим 2-дохи хабсаргалтатай зохиладуулан баталха.

4. «Буряад Республикын Кабанскын аймагай «Энхэлэгэй», «Үмхэйн» региональна удха шанартай гүрэнэй байгаагийн биологическа заказнигуудай

ажал ябуулгын болзор нунаах тухай» Буряад Республикын Правительствын 2000 оной августын 28-ай 306 дугаарай тогтоолые хүсээ буураһанда тоолохо.

5. Тус тогтоол толилогдоһон үдэрһөө хүсэндөө ороно.

**Буряад Республикын Президент -
Правительствын Түрүүлэгшэ
А.В.ПОТАПОВ**

1-гэхи хабсаргалта

Буряад Республикын Правительствын 2005 оной
ноябриин 22-ой 562 дугаарай тогтоолоор баталаггаа

Буряад Республикын Кабанскын аймагай «Энхэлэгэй» региональна удха шанартай гүрэнэй байгаагийн биологическа заказнигай хилэнүүдые зураглалга

Талмайнь - 17728 гектар

Хойто болон баруун-хойто - Дулаанай калтусһаа эхилээд, Байгалай эрьеэр Энхэлэг хуурин болотор гарана
Зүүн - Энхэлэг хууринһаа эхилээд, Эн-

хэлэг болон Загза мурэнүүдэй һалаагаар Поперечная мурэнэй эхин дээгүүр гараад, Прибайкалийн аймагай хилэ хүрэтэр үргэлжэлнэ

Урда - Прибайкалийн аймагай захир-гаанай хилэ дээгүүр 6 километрэй зайда гарана
Баруун-урда, урда - Прибайкалийн ай-

магай хилэхээ эхилээд, Баданная мурэнэй эхин тээшэ авто-харгы (Сухая-Дулаан) хүрэтэр, саашаа авто-харгыгаар 4 километр зайда Дулаанай калтус болотор гарана

2-гохи хабсаргалта

Буряад Республикын Правительствын 2005 оной
ноябриин 22-ой 562 дугаарай тогтоолоор баталаггаа

Буряад Республикын «Энхэлэгэй» региональна удха шанартай гүрэнэй байгаагийн биологическа заказник тухай дүрим

1. Юрэнхы дүримүүд

1.1. Буряад Республикын Кабанскын аймагай «Энхэлэгэй» региональна удха шанартай гүрэнэй байгаагийн биологическа заказник (саашадаа - Заказник) тухай тус дүрим «Тусхай харууһатай байгаагийн талмайнууд тухай» 1995 оной мартын 14-эй 33-ФЗ дугаарай, «Ам амитанай аймаг тухай» 1995 оной апрелин 24-эй 52-ФЗ дугаарай, «Оршон тойронхи хамгаалха тухай» 2002 оной январин 10-ай 7-ФЗ дугаарай федеральна хуулинуудтай зохиладуулан бэлдэхгдэнхэй.

1.2. Заказник Буряад Республикын Правительствын 1995 оной сентябрийн 21-эй 317 дугаарай тогтоолоор эмхидхэн байгуулагданхай.

1.3. Заказник биологическа шэглэлтэй.

1.4. Заказнигай хамтын талмай - 17728 га.

1.5. Заказнигай ажал ябуулгын зорилго - ажахын, эрдэмэй, соёлой талаар үнэтэй ан амитадай объектнүүдые хамгаалга болон үдхэлгэ, байгаагийн гуримшуулагдамал ашаглалгын хажуугаар байгаагийн комплекснуудай экологическа талаар тэгшэ байдал хангалга.

1.6. Заказник Байгаагийн нөөсөнүүдэй болон оршон тойронхи хамгаалгын талаар республиканска агентствэһээ мэдэлтэй, агентство заказнигай ажал ябуулга хүтэлдэг. Заказнигай ажал ябуулга болон хамгаалга хангахын тула Заказнигай Захиргаан - «Буряад Республикын байгаа ашаглалга болон оршон тойронхи хамгаалга» гэнэн гүрэнэй эмхи зургаан байгуулагдадаг.

1.7. Заказнигай хангалгы Заказнигай Захиргаан республикын бюджетэй мүнгэн зөөрөөр болон хууляар хоригдоогүй газарнуудһаа ороһон мүнгэн зөөрөөр бэлүүлдэг.

Заказнигай номололгодо ороһон мүнгэн зөөри Заказнигай ажал ябуулгын зорилгонуудтай зохистойгоор ашаглагдадаг.

1.8. Заказнигай хилэнүүдые хубилгалга, шэнээр байгуулга болон усадхалга хууляар тогтоогдоһон гуримаар болон Буряад Республикын Правительствын тогтоолой үндэһөөр бэлүүлэгдэдэг.

2. Заказнигай зорилгонууд

Заказнигай гол зорилгонууд гэбэл:

- ажахын, эрдэмэй болон соёлой талаар үнэтэй ан амитадай аймагай объект-

нүүдые, тэрэ тоодо хомор болон үгы боложо байһан амитады хамгаалга болон үдхэлгэ, тиихэдэ тэдэнэй ажамидалгын оршом хамгаалга болон байгаагийн бүлэгүүдэй хоорондох экологическа тэгшэ байдал хангалга;

- ан амитадай аймагай объектнүүдэй ажамидалгын хайн байдал тогтоолгодо болон тэдэнии үдхэлгэдэ шэглүүлэгдэһэн биотехническэ болон үдхэлгын хэмжээ ябуулгануудые үнгэргэлгэ;

- тоо бүридхэлгын хүдэлмэринүүдые, саг үргэлжын шалгалтануудые, фенологическа адаглалтануудые үнгэргэлгэ;

- хууляар тогтоогдоһон гуримаар ан амитадай аймагай объектнүүдэй тоо эрдэмэй үндэһэ баримтатыйгаар гуримшуулга;

- эрдэм-шэнжэлгын хүдэлмэринүүдые үнгэргэлгэдэ туһалалга;

- Заказнигай дэбисхэр дээрэ рекреационно болон ажахын байгаа ашаглалга эмхидхэлгэ болон гуримшуулга;

- эколого-гэгээрүүлгын ажал ябуулга.

3. Заказнигай журам

3.1. Заказнигай дэбисхэр дээрэ Заказник байгуулгын зорилгонуудта харша болон байгааида муу нүлөө үзүүлдэг ажал ябуулгын янзанууд хоригдодог гэбэл:

- бүхы янзын агнуури болон промышленна загана барилга, бүхэли жэлэй туршада эрлиг амитадай үдэлгын болон хорооной талмайнуудые (уурхайнуудые, хүндынүүдые, эшээнүүдые болон бусад байрануудые, түрһэлэлгын газарнуудые болон үбэлэлгын нүхэнүүдые) һандаргалга гү, али гэмтээлгэ;

- Заказнигай дэбисхэр дээрэ буутайгаар, загана бариха зэбсэгтэйгээр, нохойнуудтайгаар байлга;

- ирригационно, геолого-бэдэрэлгын хүдэлмэринүүдые үнгэргэлгэ, ашагта малтамалуудые олзоборилго;

- гидрологическа гурим хубилгадаг ажал ябуулга;

- Заказнигай ажал ябуулгатай болон ой модоной ажахы эрхилэлгэтэй холбоотой бэшэ зорилготойгоор хорото химикадуудые болон ургамал хамгаалгын химическэ хэрэгсэлнүүдые хэрэглэлгэ;

- талмайе үйлэдбэрийн болон ажахын үлэгдэлөөр, бог шоройгоор, нефте-продуктаар бузарлалга;

- аншлагуудые, вывескэнүүдые, тэмдэгүүдые һандараалга болон эбдэлгэ;

- нохой хэрэглэн, мал адуулалга;

- Россин Федерацийн ойнууд соо түймэрэй талаар аюулгүй байдалда харша ямаршы ажал ябуулга;

- Заказнигай ажал ябуулгада хэрэгтэй ушарнуудһаа бэшэ тээ фермерскэ ажахы эмхидхэлгэдэ, мал адуулалгада болон огородой эдээ тарилгада, тиихэдэ барилгада газарнуудые үгэлгэ;

- Заказнигай ажал ябуулгатай, ой модоной ажахы болон тогтоогдоһон гуримаар зүбшөөгдэһэн байгаа ашаглалгын янзануудые эрхилэлгэтэй холбоотой бэшэ зорилготойгоор Заказнигай дэбисхэр дээрэ транспортна хэрэгсэлнүүдэй байлга;

- байгаагийн комплекс болон зүйлнүүдэй хамгаалгада болон хэрэгсэлгэдэ һаадтай, ээрлиг амитада али болохо хоро хүргэдэг, тэдэнэй амидардаг оршом муу тээшэнэ хубилгадаг хуулиа бэшэ бусад ажал ябуулга.

3.2. Заказнигай дэбисхэр дээрэ Заказнигай Захиргаантай заабол зүбшөөгдэһэнэй удаа болохо гэбэл:

- зоологическа, ботаническа, минералогическа, палеонтологическа объектнүүдые суглуулалга;

- Загана барилгын дүримүүдтэй зохиладуулан, загана барилга;

- үбһэ сабшалга, мал адуулалга;

- экологическа аяншалга, соёлой-гэгээрүүлгын, элүүржүүлгын, спортын болон бусад хэмжээ ябуулгануудые үнгэргэлгэ; тогтоогдоһон газарнуудта, тогтоогдоһон болзорто байрлалга, аяншалагшадай байра, лагерь эмхидхэлгэтэйгээр ажаһуутшадай бүхы түхэлэй амаралга;

- хуралсалай эмхи зургаануудай болон нийтын эмхинүүдэй түлөөлэгшэдэй, физическэ болон юридическэ нюурнуудай хамгаалалгын, биотехническэ, ажахын хэмжээ ябуулгануудые болон бүридхэлгын хүдэлмэринүүдтэй хабаадалга, тиихэдэ тус хэмжээ ябуулгануудые үнгэргэхын тула хажуу тээһээ туһаламжа хабаадуулалга;

- эрдэм-шэнжэлгын ажал ябуулга;

- шэнэ харгынуудые, зүргэнүүдые, зайн гал дамжуулалгын шугамуудые, хэлхээ холбооной хэрэгсэлнүүдые таталга, ой модоной ажахы эрхилэлгэтэй болон ой модо ашаглалгатай холбоотой бэшэ барилгануудые болон тодхолгонуудые бодхоолго.

3.3. Заказнигай дэбисхэр дээрэ ан

амитадай аймагай объектнүүдые хамгаалгын, үдхэлгын, олзоборилгын һалбарид хинаха болон шалгах талаар үүргэ дүүргэдэг тусхай бүрин этигэмжэтэй гүрэнэй зургаанай зүбшөөлөөр Заказнигай Захиргаан ан амитадай аймагай объектнүүдэй тоо гуримшуулгын болон тараалгын хэмжээ ябуулгануудые эмхидхэхэ болон үнгэргэхэ эрхэтэй.

3.4. Заказнигай дэбисхэр дээрэ биотехническэ, үдхэлгын, хамгаалгын, түймэртэ эсэргүүсэлгын болон ой модо дахин хэргээлгын талаар хэмжээ ябуулганууд, тиихэдэ ан амитадай объектнүүдые, тэрэ тоодо хомор болон үгы боложо байһан янзануудта оруулагдаһан амитады тоо бүридхэлдэ абалгын хүдэлмэринүүд заабол үнгэргэгдэдэг.

3.5. Заказнигай дэбисхэр дээрэ ой модоной ажахы хүтэлэлгын талаар тусхай бүрин этигэмжэтэй гүрэнэй зургаанай баталһан тусхай харууһатай ой модоной участогуудта ой модо ашаглалгын гурим хизаарлагдадаг.

3.6. Заказнигай дэбисхэр дээрэ ой модо, уһа, болон газар ашаглалга түсбэлхэдөө болон бэлүүлхэдээ, тэрэ тоодо газар эсхэмжэлгын, ой модо эсхэмжэлгын болон аймагай түсбэлэлгын территориальна хэб бэлэдхэхэдээ, Заказнигай зорилгонууд болон гурим хараада абтадаг.

3.7. Заказник хилээ тойруулаад, хэргылэлгын болон мэдээсэлгын тэмдэгүүдээр тэмдэглэгдэдэг.

4. Заказник харууһалалга

4.1. Заказнигай Захиргаан хүсэндөө байгаа хуулийн ёһоор Заказнигай харууһалалга болон гурим сахилга хангадаг.

4.2. Юридическэ болон физическэ нюурнууд Заказнигта тогтоогдоһон гурим болон Заказнигай Захиргаанай тушаалта нюурнуудай хуулиа эрилтэнүүдые сахиха ёһотой.

4.3. Тогтоогдоһон гурим эбдэһэн гү, али Заказнигай Захиргаанай тушаалта нюурнуудай хуулиа эрилтэнүүдые дүүргээгүй нюурнууд хүсэндөө байгаа хууляар хараалагдаһан гуримаар болон ушарнуудта харюусадаг.

4.4. Тогтоогдоһон гурим эбдэһэнхээ уламжалһан гарза хүсэндөө байгаа хуулиатай зохиладуулагдан тэхэрюулэгдэдэг.

БУРЯАД РЕСПУБЛИКЫН ПРЕЗИДЕНТЫН ЗАРЛИГУУД ХҮНДЭТЭ НЭРЭ ЗЭРГЭНҮҮД, ХҮНДЭЛЭЛЭЙ ГРАМОТАНУУД

В.И.КОНДРАТЬЕВЫЕ БУРЯАД РЕСПУБЛИКЫН ХҮНДЭЛЭЛЭЙ ГРАМОТААР ШАГНАХА ТУХАЙ

Республикын үндэһэн театральна искусствын хүгжэлтэдэ горитой хубита оруулһанайнь, олон жэлдэ зохёохы ажал ябуулһанайнь түлөө Хоца Намсараевай нэрэмжэтэ Буряадай академическэ драмын театрай режиссер **КОНДРАТЬЕВ Владимир Ильичы** Буряад Республикын Хүндэлэлэй грамотаар шагнаха.

Буряад Республикын Президент
А.В.ПОТАПОВ

Улаан-Үдэ хото,
Правительствын байшан
2005 оной ноябриин 25
№572

М.Н.ЕГОРИНАЕ БУРЯАД РЕСПУБЛИКЫН ХҮНДЭЛЭЛЭЙ ГРАМОТААР ШАГНАХА ТУХАЙ

хуралсалай байгуулгада амжалтанууды туйлаһанайнь, олон жэлдэ ашаг үрэ ехэтэйгээр хүдэлмэрилһэнэйнь түлөө Буряад Республикын Хүндэлэлэй грамотаар шагнаха гэбэл:

ЕГОРИНА Мария Николаевна - «Багдаринай эвенк юрэнхы хуралсалай дунда (дүүрэн) интернат хургуули» гүрэнэй хуралсалай эмхи зургаанай эрдэмэй хүдэлмэрийн талаар директорэй орлогшо, «Баунтын аймаг» муниципальна байгуулга.

Буряад Республикын Президент
А.В.ПОТАПОВ

Улаан-Үдэ хото,
Правительствын байшан
2005 оной ноябриин 25
№573

О.М.ХАБАЗИДА «БУРЯАД РЕСПУБЛИКЫН ГАБЬЯТА ЮРИСТ» ГЭНЭН ХҮНДЭТЭ НЭРЭ ЗЭРГЭ ОЛГОХО ТУХАЙ

Эрхэтэдэй эрхэ сүлөөнүүды хамгаалгада габыятай байһанайнь, олон жэлдэ ашаг үрэ ехэтэйгээр хүдэлмэрилһэнэйнь түлөө Буряад Республикын Адвокадуудай хоёрдохи коллегийн президиумэй түрүүлэгшэ **ХАБАЗИ Ольга Максимовна** «Буряад Республикын габыята юрист» гэнэн хүндэтэ нэрэ зэргэ олгохо.

Буряад Республикын Президент
А.В.ПОТАПОВ

Улаан-Үдэ хото,
Правительствын байшан
2005 оной ноябриин 25
№574

В.С.ПОКАЦКИДА «БУРЯАД РЕСПУБЛИКЫН ХАНГАЛГЫН ҺАЛБАРИИН ГАБЬЯТА ХҮДЭЛМЭРИЛЭГШЭ» ГЭНЭН ХҮНДЭТЭ НЭРЭ ЗЭРГЭ ОЛГОХО ТУХАЙ

Худалдаа наймаанай хүгжэлтэдэ хубита оруулһанайнь, олон жэлдэ нигүүлсхы сэдхэлэй ажаябуулгын түлөө «МВ-Маркет» магазинуудай генеральна директор **ПОКАЦКИЙ Вячеслав Семенович** «Буряад Республикын хангалгын Һалбарин габыята хүдэлмэрилэгшэ» гэнэн хүндэтэ нэрэ зэргэ олгохо.

Буряад Республикын Президент
А.В.ПОТАПОВ

Улаан-Үдэ хото,
Правительствын байшан
2005 оной ноябриин 25
№575

М.Г.ПОКАЦКАЯ БУРЯАД РЕСПУБЛИКЫН ХҮНДЭЛЭЛЭЙ ГРАМОТААР ШАГНАХА ТУХАЙ

Худалдаа наймаанай Һалбариде амжалтанууды туйлаһанайнь, олон жэлдэ нийтын болон нигүүлсхы сэдхэлэй ажаябуулгын түлөө «МВ-Маркет» магазинуудай гүйсэдххы директор **ПОКАЦКАЯ Марина Георгиевна** Буряад Республикын Хүндэлэлэй грамотаар шагнаха.

Буряад Республикын Президент
А.В.ПОТАПОВ

Улаан-Үдэ хото,
Правительствын байшан
2005 оной ноябриин 25
№576

«БУРЯТАВТОДОР» ГЭНЭН ФЕДЕРАЛЬНА ГҮРЭНЭЙ УНИТАРНА ПРЕДПРИЯТИИ ХҮДЭЛМЭРИЛЭГШЭДТЭ «БУРЯАД РЕСПУБЛИКЫН ТРАНСПОРТЫН ГАБЬЯТА ХҮДЭЛМЭРИЛЭГШЭ» ГЭНЭН ХҮНДЭТЭ НЭРЭ ЗЭРГЭ ОЛГОХО ТУХАЙ

Автомобилин харгинууды хүгжөөлгэдэ горитой хубита оруулһанайнь, олон жэлдэ ашаг үрэ ехэтэйгээр хүдэлмэрилһэнэйнь түлөө «Бурятавдор» федеральна гүрэнэй унитарна предпрятиин Захааминай харгын Захабарилгын-барилгын участогай хүдэлмэрилэгшэдтэ «Буряад Республикын транспортын габыата хүдэлмэрилэгшэ» гэнэн хүндэтэ нэрэ зэргэ олгохо гэбэл:
МАЛКОВА Раиса Николаевна - мастер

ХАДАЕВА Валентина Цыреновна - мастер

Буряад Республикын Президент
А.В.ПОТАПОВ

Улаан-Үдэ хото,
Правительствын байшан
2005 оной ноябриин 25
№577

«БУРЯАД РЕСПУБЛИКЫН СОЁЛОЙ ГАБЬЯТА ХҮДЭЛМЭРИЛЭГШЭ» ГЭНЭН ХҮНДЭТЭ НЭРЭ ЗЭРГЭ ОЛГОХО ТУХАЙ

Амжалтанууды туйлаһанайнь, олон жэлдэ ашаг үрэ ехэтэйгээр хүдэлмэрилһэнэйнь түлөө «Буряад Республикын соёлой габыата хүдэлмэрилэгшэ» гэнэн хүндэтэ нэрэ зэргэ олгохо гэбэл:
БАДМАЕВА Доржима Балдановна - А.Н.Галсановай нэрэмжэтэ Юрөөгэй арадай театрай режиссер, «Сэлэнгын аймаг» муниципальна байгуулга
ХАГОЕВА Светлана Григорьевна - Хориин муниципальна юрэнхы хуралсалай 2-дохи дунда хургуулийн номой сан даагша, «Хориин аймаг» муниципальна байгуулга

Буряад Республикын Президент
А.В.ПОТАПОВ

Улаан-Үдэ хото,
Правительствын байшан
2005 оной ноябриин 25
№578

БУРЯАД РЕСПУБЛИКЫН ХҮНДЭЛЭЛЭЙ ГРАМОТААР ШАГНАХА ТУХАЙ

Улаан-Үдэ хотын социально-экономическа хүгжэлтэдэ хубита оруулһанайнь, олон жэлдэ ашаг үрэ ехэтэйгээр хүдэлмэрилһэнэйнь түлөө Буряад Республикын Хүндэлэлэй грамотаар шагнаха гэбэл:

МАРФИН Василий Иванович - мэргэжлэй орлогшо - Улаан-Үдэ хотын Захиргаанай аппаратай хүтэлбэрилэгшэ
ПОДЛЕСНОВ Вячеслав Федорович - «Возрождение» хаамал акционернэ бүлгэмэй генеральна директор

Буряад Республикын Президент
А.В.ПОТАПОВ

Улаан-Үдэ хото,
Правительствын байшан
2005 оной ноябриин 28
№581

Б.Г.КУШЕЕВЫЕ БУРЯАД РЕСПУБЛИКЫН ХҮНДЭЛЭЛЭЙ ГРАМОТААР ШАГНАХА ТУХАЙ

Эд хэрэглэлгын коопераци хүгжөөлгэдэ хубита оруулһанайнь, олон жэлдэ ашаг

үрэ ехэтэйгээр хүдэлмэрилһэнэйнь түлөө ажалай ветеран **КУШЕЕВ Бимба Гатапович** Буряад Республикын Хүндэлэлэй грамотаар шагнаха.

Буряад Республикын Президент
А.В.ПОТАПОВ

Улаан-Үдэ хото,
Правительствын байшан
2005 оной ноябриин 28
№582

БУРЯАД РЕСПУБЛИКЫН ХҮНДЭТЭ НЭРЭ ЗЭРГЭНҮҮДЫЕ ОЛГОХО ТУХАЙ

Амжалтанууды туйлаһанайнь, үйлдбэрийн Һалбариде олон жэлдэ ашаг үрэ ехэтэйгээр хүдэлмэрилһэнэйнь түлөө хүндэтэ нэрэ зэргэнууды олгохо гэбэл:
«БУРЯАД РЕСПУБЛИКЫН ГАБЬЯТА ИНЖЕНЕР»

ТАРМАЕВА Татьяна Владимировна - «Электромашинна» хизаарлагдамал харюусалгатай бүлгэмэй ахмад конструктор

«БУРЯАД РЕСПУБЛИКЫН ГАБЬЯТА ЭНЕРГЕТИК»

КРЮКОВ Андрей Васильевич - «Буряад Республикын электрын элшэ хүсөөр хангалгын талаар агентство» гүрэнэй эмхи зургаанай ахмад энергетигэй орлогшо

Буряад Республикын Президент
А.В.ПОТАПОВ

Улаан-Үдэ хото,
Правительствын байшан
2005 оной ноябриин 28
№583

В.А.СЫРЕНОВАДА «БУРЯАД РЕСПУБЛИКЫН ХАНГАЛГЫН ҺАЛБАРИИН ГАБЬЯТА ХҮДЭЛМЭРИЛЭГШЭ» ГЭНЭН ХҮНДЭТЭ НЭРЭ ЗЭРГЭ ОЛГОХО ТУХАЙ

Мэргэжлэй ехэтэй байһанайнь, эд хэрэглэлгын Һалбариде олон жэлдэ ашаг үрэ ехэтэйгээр хүдэлмэрилһэнэйнь түлөө «Түнхэнэй аймаг» муниципальна байгуулгын захиргаанай хүдөөгэй эд хэрэглэгшэдэй бүлгэмэй ахмад бухгалтер **СЫРЕНОВА Валентина Лопсоновна** «Буряад Республикын хангалгын Һалбарин габыата хүдэлмэрилэгшэ» гэнэн хүндэтэ нэрэ зэргэ олгохо.

Буряад Республикын Президент
А.В.ПОТАПОВ

Улаан-Үдэ хото,
Правительствын байшан
2005 оной ноябриин 28
№584

Эмхидхэн байгуулагшад - Буряад Республикын Президент, Арадай Хурал болон Правительство

Генеральна директор - ахмад редактор
А.А.АНГАРХАЕВ.
Редактор **Г.Х. ДАШЕЕВА.**

РЕДАКЦИОННО КОЛЛЕГИ: **И.М.ЕГОРОВ, И.Б.ДАГБАЕВ** (Буряад Республикын Правительство), **Ф.П.БОТОВЕВА, Ц.Э.ДОРЖИЕВ** (Буряад Республикын Арадай Хурал), **Т.В.САМБЯЛОВА** (генеральна директорэй 1-дэхи орлогшо), **Д.Б.ГУРОДАРМАЕВА** (харюусалгата секретарь), **В.Г.ГОМБОЕВА, Н.Д.БАДМАРИНЧИНОВ, Б.В.БАЛДАНОВ, А.А.ФАДЕЕВА, В.Д.ДАМДИНОВА.**

Манай адрес:
670000, Улаан-Үдэ хото,
Каландаришвилиин үйлсэ, 23,
Хэблэлэй байшан
"Буряад үнэн".
E-mail:
unep@mail.ru

Газетэ хэблэлэй 1
хуудан хэмжээтэй.
Индекс 50901.
Хамтын хэблэг - 30010.
Хэблэлдэ
тушаагдаһан саг - 17.00.

"Республиканска типографи" гэнэн
ОАО-до бэлэн диапозитивүүдхээ
газетэ 1115 хэблэгээр хэблэгдээ.
Директорэйнь телефон: 21-40-45.

Б-0165-дахы номертойгоор
бүридхэлдэ абтанхай.

Хэблэлэй байшанай телефонууд: генеральна директорэй-ахмад редакторай - 21-50-96, приёмный - 21-54-54 (факс), ген. директорэй 1-дэхи орлогшо - ахмад редакторай орлогшын - 21-68-08, ахмад редакторай орлогшонорой - 21-64-36, 21-33-61, секретариатай - 21-60-21; таһагууд: экономикын болон политикын - 21-63-86; соёлой болон түүхын - 21-54-93; «Морин хуур», «Вершины» журналнуудай редакци - 21-55-97; залуушуулай, оюутайдай ажабайдалай болон олонийтын хүдэлмэрийн, «Одон» журналай редакци - 21-54-93; мэдээсэлэй - 21-67-81, спортын - 21-54-93, рекламн - 21-62-62, коммерческэ ажалай - 21-55-97, компьютерна түбэй - 21-66-76, бухгалтерийн - 21-23-67.

Редакцида ороһон материалнууд
шүүмжэлэгдэдэггүй, мүн авторнуудтань
бусаагдадаггүй.

Тоонуудай, бодото баримтануудай, хүнэй, нютагай нэрэнүүдэй
бэшэлгы хазгайруулан ушарта авторнуудын харюусалгатай.
Редакциин һанамжа авторайхитай адли бэшэ байжа магад.